Chikamuchisyo Chakutyochela Kwiunde

Wakulemba: Watson Goodman

Jaulele jangasumisya

CHIKAMUCHISYO CHAKUTYOCHELA KWIUNDE

"CHIKAMUCHISYO CHAKUTYOCHELA KWIUNDE" silindime sya kulandana kutyochela m'malo gakulekangana-lekangana gamalowe ga Mlungu (sklipicha) m'Buku ja Baibulo. Ngukulupilila kuti pangali buku jine jandemanga pamalowe ga Mlungu jakujipunda Baibulo jisyene.

Malowe ga Mlungu "gakutyochela Kwiunde" ni yakuona gakutusya kwakukulungwa mitima jajimkwete sala pane njota ja chilungamo. Mundu pakulapa, nikusikana sambi, akum'kalibuchisya Ambuje Yesu Klisto kutama mum'tima mwakwe, nikulupilila nim'tima wose kuti Ambuje Yesu ali m'kulupusyo. Papopo Ambuje Yesu Klisto akulilosya asyene kwa mundujo nikum' gumbasya ni lukondwa nim' tendele mu m' tima mwajwakulupililajo. Une naiweni yeleyi m'chaka cha 1937, ni chitandilile pelepo mbele jwakondwa ni ulukosyo wao wa kusimonjeka. Ngum'juga sano kuti m'lipeleche kwa welewo kuŵa Ambuje ni Mkulupusyo wenu naga m'kinimlipeleche. -Watson Goodman

Text reprinted from New Testament in Yao, 1992 Edition, by permission of the United Bible Societies Africa Regional Centre, Nairobi, Kenya.

CHINONYELO CHA MLUNGU

Nambo Mlungu ŵasimichisye kuti akusatunonyela mnope, pakuti pele patwaliji ŵakulemwa, Klisto ŵatuwilile. –Aloma 5:8

Chindimba cha Ayuda chila, chakutelwa Pasaka pachaŵandichile, Yesu ŵamanyilile chilepe kuti ndaŵi jakwe jiyiche jakuti atyoche pa chilambo pano kwawula kwa Atati, jwelejo ŵanonyele ŵanganyawo ŵele ŵaŵaliji ŵakwe ŵala pasi pano nipo ŵanonyele kwakumalilwa. -Yohane 13:1

Pangali mundu jwele jwakwete chinonyelo chakuchipunda chelechi, chakuti mundu akwasila umi ŵakwe ligongo lya achambosangagwe. —Yohane 15:13 Ni kuwumila kwa Yesu Klisto, mboni jakulupichika, ŵele ŵali ŵandanda kwimuka ku ŵawe, nipo soni Mwenye jwakulamula achayimwene wosope ŵa chilambo chapasi. Jwalakwe jwakutunonyela, ni ŵatugopwele myakulemwa yetu ni miasi jao. –Chiunukuko 1:5

Pakuŵa Mlungu ŵanonyele mnope ŵandu mpaka ŵampeleche Mwanagwao juŵaŵelekwe jumpepe, kuti jwalijose jwakumkulupilila jwelejo akasajasika, nambo akole umi wangamala. —Yohane 3:16

Nambo mundu jwakanakola unonyelo, ngakummanyilila kose Mlungu, pakuŵa Mlungu ali unonyelo wene. -1 Yohane 4:8

UMUNDU WA YESU KLISTO

Pangali jwine jwakuti mpaka akane chamtemela cha mkulambila kwetu chili chachikulungwa; Jwalakwe ŵawonechele ali ni chiilu cha mundu, ŵagolochekwe mu msimu, nipo malayika ŵambweni. Walalichikwe pasikati pa ŵandu ŵangosyo, chilambo chosope chapasi chamkulupilile, ŵapochelwe kwinani mlumbili. —1 Timoteo 3:16

Yosopeyi yatendekwe kwitichisya yiŵaŵechete Ambuje kwa jwakulochesya achitiji, "Mwali tachikola chitumbo nipo tachiŵeleka mwanache jwamlume, ni tachimta lina lyakwe Emanueli" (mate gakwe, "Mlungu ali nowe.")

-Matayo 1:22, 23

Pandanda payosope jwelejo jwele juŵatelwe lina lyati Liloŵe, jŵaliji kalape. Liloŵe lyaliji sawasawa muŵaŵelele Mlungu. Nipo jwelejo jwakutelwa Liloŵe, ŵatendekwe kuŵa mundu, ni ŵatemi kukwetu. ...Mwa jwelejo ŵatulosisye uwe chisyoŵelo ni usyenesyene.

-Yohane 1:1 ni 14

Yesu ŵamjanjile kuti, "Ndemi nomwe ndaŵi josopeji, nipo nganimumanyililepe Filipo? Ŵele ŵambweni une, ŵaweni soni Atati. Nambi uli mkuti, 'Atulosye Atati?' Ana ngamkukulupilila kuti une ngusatama mwa Atati, nipo Atati akusatama mwa une?...''

-Yohane 14:9, 10

YESU MWANACHE JWA MLUNGU

Menema mundu jwakwitichisya kuti Yesu ali Mwanagwao Mlungu, Mlungu akusatama chitamile mwa jwelejo, nombe jwelejo akusatama chitamile mwa Mlungu.

-1 Yohane 4:15

Malayikajo ŵamsalile kuti, ''Msimu ŵaswela tiuŵe mwenumwe, nipo machili gakwe tigamyichilile mmwejo. Ni ligongo lyakwe mwanachejo patachipagwapo, tachiŵilangwa jwamswela, Mwanagwao Mlungu.'' –Luka 1:35

Achiŵechetanaga iyoyo, lyayiche liwunde lyakuŵala ni chiwilili chakwe chawunichile. Mwiwundemo mwapikaniche maloŵe gakuti, "Jweleju nijo Mwanangu jwele jungumnonyela, nipo ngusangalala najo mnope, mumpilikanile.'' –Matayo 17:5

Jwelejo ŵatite, "Ambuje, nambi ŵani ŵelewo ŵakuti nakulupilile?" Yesu ŵamsalile kuti, "Mumbweni kala, ali jwelejo jwakuŵecheta namwe." —Yohane 9:36, 37

Pakuti mwa Jwelejo umlungu wosope ukutama mchiilu.

-Akolose 2:9

3

Mwachisisimuchila ŵatandite kugumila achitiji, "Ana mkuti mtutende chichi, Ee Mwanagwawo Mlungu? Ana myiche akuno kukutusawusya ndaŵi mkanijikwane kose?" –Matayo 8:29

YESU AKULIWUMBULA MSYENE

...''Wanganyamwe mli wakutyochela pasi pano, nambo une ndili jwakutyochela kwinani. Wanganyamwe mli wa chilambo chapasi, nambo une nganimba jwa pa chilambo chapasi chino ngwamba.'' Yesu wajanjile kuti, ''Kusyenesyene ngumsalila kuti, Ablahamu mkanapagwe, nikuti une ndili mbali.''

-Yohane 8:23 ni 58

Yesu ŵasalile kuti, "Uneji ndili mkate ŵakupeleka umi. Mundu jwalijose jwakwisa kwangune, ngasijimkola sala. Nipo jwalijose jwakungulupilila une, kasijimkola njota kose." — Yohane 6:35

Jwamkongwejo ŵatite, ''Ngumanyilila kuti akwisa (jwakuŵilangwa Klisto) jula, menema jwelejo patachiyika tachitusalila yosope.'' Yesu ŵamsalile kuti, ''Jwelejo ndili une jwanguŵecheta namwe.''

-Yohane 4:25, 26

Menema Yesu ŵasalile soni kuti, "Kusyenesyene ngumsalila kuti, une ndili mlango wa ngondolo."

-Yohane 10:7

"Ŵanganyamwe mkundenda kuti Mwalimu' nipo soni 'Ambuje.' Pelepa ni mkuwecheta chenene, pakuŵa ndili uneji.'' -Yohane 13:13

Yesu ŵamjanjile kuti, "Une ndili litala ni usyenesyene ni umi. Pangali mundu jwakupakombola kwisa kwa Atati naga ngakupitila mwa une." –Yohane 14:6

IMANYILILO YINE IWATESILE YESU

Nipo ŵalamulile ŵandu ŵala kuti atame pasi pamanyasi. Nipo paŵajigele mikate msano jila ni somba siŵili sila, ŵalolite kwinani, ni ŵatogolele Mlungu, paŵamasile ni ŵagaŵenve mikate jila ni ŵajipeleche kwa ŵakulijiganya ŵakwe, nombe ŵakulijiganya ŵala ŵajipeleche kwa ŵandu ŵala. Ŵandu wosope ŵala ŵalile ni kwikuta, ni ŵalokotenye sigasiga ni ŵagumbesye nga-lala likumi kwisa siŵili.

-Matayo 14:19, 20

Simoni ŵasalile kuti, "Ambuje uweji tuchesisye chilo chosopechi ni ngapagwa chitupatile. Nambo kwa ligongo lya maloŵe gawoga, timbonye likokalyo." Nipo ŵapoWATESILE YESU 5 nyisye ni ŵauleje somba syejinji mnope, kwakuti likokalyo lyatandite kupapuka. –Luka 5:5, 6

Ni mlole ŵandu ŵaŵili ŵakutatala ŵatemi pasi mungulugulu litala mula, paŵapilikene kuti Yesu akupita ŵatandite kugumila kuti, "Ambuje, Mwanagwawo Daudi, mtutendele chanasa." Menema Yesu... ŵawusisye kuti, "Ana mkusaka kuti namtendele chichi?" Wanganyawo ŵatite, "Ambuje, tukusaka kuti meso getu tupate kulola." Nipo Yesu ŵatendele chanasa ni ŵakwayiye meso gao, ni mwandaŵi jijojo ŵatandite kulola ni ŵakuyiye.

-Matayo 20:30 ni 32-34

YESU ALI MKUPANGANYA NI AMBUJE

Pakuti mwa Jwelejo yindu yosope yapanganyikwe ya kwinani ni pachilambo pano, yakuwoneka nipo soni yangawoneka, atamuno yitengu atamuno uchimwene wosope atamuno ukulungwa wosope ni ulamusi wosope. Yindu yosope yapanganyikwe mwa Jwelejo ni yosepe yili yakwe. —Akolose 1:16

Nipo lulimi luli lose lujitichisye kuti, "Yesu ali Ambuje," lumbili kwa Mlungu Atati. – Afilipi 2:11

... Mlungu... Nambo moŵa gambesi gano, aŵechete nowe kulungulila mwa Mwanagwao juŵamtesile kuŵa jwakwinjila majumba ga yindu yosope, kulungulila mwa jwelejo soni ŵapanganyisye yakupanganyikwa yosope, nipo wambisile aŵe msyene yosope.

– Áhebeli 1:1, 2

"Sambano Ayisulayeli wosope amanyilile mnope kuti, Yesu jula jwele jumwamkomele pa msalaba, Mlungu ŵamtesile kuti aŵe Ambuje nipo soni Mkulupusyo."

–Masengo 2:36

Pakuŵa kwa ligongo lyeleli Klisto ŵawile ni ŵajimwiche, melepe kuti aŵe Ambuje ŵa ŵandu ŵawe ni ŵajumi. -Aloma 14:9

Mlungu ali jwakulupichika, mwa ŵelewo mwaŵilanjikwe kwinjila mchisyoŵekano cha Mwanagwao Yesu Klisto Ambuje ŵetu.

-1 Akolinto 1:9

JESU ALI MKULAMULA JWA YOSE

Nambi mmweji, ana ligongo chichi mkumlamula mjenu? Atamuno mmwejo, ana ligongo chichi mkumnyosya mjenu? Pakuti wosopewe tutuchijima kulamuligwa pawujo pa chitengu cha Mlungu.

-Aloma 14:10

Pameso pa Mlungu, ni soni pameso pa Klisto Yesu, ŵele ŵatachilamula ŵandu wosope, ŵajumi ni ŵawe ŵakwe, ngumlamulila kuti, kwaligongo lyakwisa soni kwa Klisto, ni uchimwene wakwe.

-2 Timoteo 4:1

"Patachiyika Mwanagwawo mundu mlumbili lwakwe pampepe ni malayika ŵakwe wosope, jwalakwe tachitama pa chitengu chakwe chalumbili. Tachasonganya ŵandu ŵangosyo syosope pawujo pakwe, nipo tachalekanganya mpele mwele jwakuchinga mwakusalekanganichisya ngondolo ni mbusi.'' --Matayo 25:31, 32

Mpelaga mu Ngani Syambone syele singusalalichila, tiyichiŵa iyoyo pa lyuŵa lyele Mlungu mwa Klisto Yesu tachilamula ya mtemela ya mmitima ja ŵandu.

-Aloma 2:16

"Ni ŵatulamulile uwe kuti tulalichile Ngani Syambone kwa ŵandu ni kutendela umboni kuti jwalakwe ali jwamsagulwe ni Mlungu kuŵa jwakulamula ŵandu ŵajumi ni ŵawe." —Masengo 10:42

CHIKULUPUSYO MWA KLISTO BASI

"Uneji ndili mlango, naga mundu akwinjila pa une, tachikulupuka. Nipo tachijinjila ni kukopoka kwakwe, ni tachisimana yakulya."

–Yohane 10:9

Yesu ŵamjanjile kuti, ''Une ndili litala ni usyenesyene ni umi. Pangali mundu jwakupakombola kwisa kwa Atati naga ngakupitila mwa une.'' –Yohane 14:6

"Ni ligongo lyakwe namsalile kuti timchiwila mu ulemwa wenu pakuti naga ngamkukulupilila kuti une ni jwele jwandili, timchiwila kwene mu ulemwa wenu."

-Yohane 8:24

Pakuŵa wosope ŵalemwisye, ni ŵalepele kwisa ku lumbili lwele Mlungu ŵaliganichisye. Nambo mtuka wa Mlungu wachisyoŵelo chakwe, akwalungamichisya ligongo lya chiwombolo chachili mwa Klisto Yesu. — Aloma 3:23, 24

Kwa lyele ligongoli akupakombola kukulupusya kusyene ŵelewo ŵakwisa kwa Mlungu mwa jwalakwe, pakuŵa jwalakwejo akwete umi kundala syose achapopelelaga ŵelewo. – Ahebeli 7:25

"Nipo pangali jwine jwalijose jwele jwakupakombola kukulupusya ŵandu, pakuŵa pa chilambo chosope chapasi pangali lina line lyele Mlungu lyapeleche kwa ŵandu lyakuti tukulupuche nalyo."

-Masengo 4:12

CHIKULUPUSYO MWA KLISTO BASI

Mlungu nijo juŵamlumbikenye ni Klisto Yesu, nipo ŵamtesile jwelejo kuŵa umanyilisi wetu. Jwelejo nijo jwakutugolochesya ni kutuswejesya ni chiwombolo chetu.

-1 Akolinto 1:30

Juŵalipeleche msyene kwa liŵamba lyetu kuti atuwombole mu yangalumbana yetu yosope, ni kutuswejesya kuti tuŵeje ŵandu ŵakwe ŵana mtawu pa yitendo yosope yambone. — Tito 2:14

Ni mkwatogolela Atati ŵatutesile ŵakuŵajilwa kupochela nawo chakwinjila majumba cha ŵaswela ŵa mwilanguka. Ŵatukopwesye kutyochela mmachili ga chipi, ni ŵatujinjisye mu uchimwene wa Mwanagwao jwakunonyelwa. Mwa Jwelejo Mlungu ŵatuwombwele ni ŵatukululuchile yakulemwa yetu. - Akolose 1:12-14

"Ligongo Mwanagwao mundu ayiche kwisa kukusosasosa ni kulupusya ŵandu ŵaŵasokonechele." –Luka 19:10

Nipo ŵajimbaga nyimbo jasambano jakuti, ''Ŵalakwe akuŵajilwa kupochela bukuji, ni kumatukula yimatilo yakwe. Pakuŵa mwaulajikwe, nipo ni miasi jenu mwamsumile Mlungu ŵandu ŵangosyo syosope, ŵa ndimi silisyose, nipo soni mtundu uliwose wa ŵandu.''

-Chiunukuko 5:9

9

10 KUOMBOLA KWA MIASI JA KLISTO

Mnopemnope menema, patulungamichikwe ni miasi jakwe tuchikulupuka mlutumbilo lwa Mlungu. —Aloma 5:9

Mwa jwelejo tukwete chiwombolo kulungulila mmiasi jakwe, kululuchikwa ulemwa wetu, malinga ni yakusichilisya ya chisyoŵelo chakwe. – Aefeso 1:7

"Pakuti jeleji nijo miasi jangu jakusimichisya chilangano cha Mlungu. Miasi jeleji tinajisulusye ligongo lya ŵandu ŵajinji, kuti Mlungu ŵakululuchile ulemwa wao." —Matayo 26:28

Mkumanyilila chenene chele chiŵawombwele nacho kundamo syenu syangalumbana syele simwapochele kwa achinangolo ŵenu. Nganamwombola ni ndalama syele syasikusajonasikaga mpela silifa kapena golodi, nambo ŵamwombwele ni miasi ja mtengo mnope ja Klisto, ŵele ŵaŵaliji mpela mwana ngondolo jwangali chipasipasi kapena liŵasi. —1 Petulo 1:18, 19

Menema chamnopemnope miasi ja Klisto jikupakombola kutenda yakupundanganya. Mwa Msimu wandala syosope jwalakwe ŵalipeleche mpela mbopesi jangali chipasipasi kose kwa Mlungu. Miasi jakwe tijichiswejesya mitima jetu pakutyosya masengo gagali gamawe kuti mwatumichileje Mlungu ŵachijumi. – Ahebeli 9:14

UKULUPUSYO MWA CHIKULUPI MWA KLISTO 11

Pakuti mwa chisyoŵelo mkulupwiche kulungulila mchikulupi, yeleyi ngaŵa yiwumile kwenumwe, uli mtuka wa Mlungu. Mundu ngakukulupuka ligongo lya masengo gakwe, kogopela kuti atakulikusya.

-Aefeso 2:8, 9

Menema, pakuŵa kuti tulungamichikwe ligongo lya chikulupi, uwe tukwete mtendele najo Mlungu kulungulila mwa Yesu Klisto Ambuje ŵetu. —Aloma 5:1

... "Mkulupilile Ambuje Yesu, nipo timchikulupuka mmwejo...." –Masengo 16:31

Ligongo jwalijose jwali mwanache jwa Mlungu, akusachigomeka chilambo chapasi, chele chichikusatendekasyaga kuti tuchigomeche chilambo chapasicho nicho chikulupi chetu. -1 Yohane 5:4

Menema ŵandu ŵala ŵambusisye kuti, ''Ana tutende uli kuti tupanganye chenene masengo ga Mlungu?'' Yesu ŵajanjile kuti, ''Chele Mlungu chakusaka kuti mchitende ni chakuti mumkulupilile jwele Mlungu juŵamtumile.''

-Yohane 6:28, 29

Nambo yeleyi yilembekwe kuti mkulupilile kuti Yesu ali Klisto jula, Mwanagwao Mlungu, nipo kuti pakulupilila mkoleje umi mlina lyakwe. —Yohane 20:31

CHANASA CHA MLUNGU

Ajinichilwe Mlungu niwo Atati ŵa Ambuje ŵetu Yesu Klisto. Ŵele ŵali Atati ŵachanasa, ni Mlungu ŵakutulasya mitima josope.

-2 Akolinto 1:3

Ŵatukulupwisye ngaŵaga ligongo lya yitendo yetu yakulungama yitwatesile twachimsyene, nambo malinga ni chanasa chawo ŵatukulupwisye, mwakoswa ni kupagwa soni mkulinganyichikwa ni Msimu Ŵaswela. — Tito 3:5

Pakuti Mwanagwawo mundu ŵayiche kwisa kukulupusya chele chichasochelele. "Mkuganisya uli? Mundu pati akwete ngondolo 100, nipo jimo jikwasika, ana ngasileka 99 sila mwitumbi ni kwawula kukusosasosa jimo jajisochelele jila? Mwambone ngumsalila kuti pati ajisimene, kusangalala kwakujisangalalila jelejo kukusapundanganya chisangalalo chakwe chakusisangalalila sine sila syele syanganisisochelela. Iyoyopeyo, Atati ŵenu ŵa kwinani ngakusaka kose kuti atamose jumo jwa ŵanacheŵa ajonasiche."

-Matayo 18:11-14

Menema kwende tuŵandichile mwangatenda woga ku chitengu cha uchimwene wa Mlungu jwana chisyoŵelo kuti tupochele chanasa, ni tutusimane chisyoŵelo chakutukamuchisya pandaŵi jakusoŵa.

-Ahebeli 4:16

MLUNGU AKUTUWILANGA KWISA KUKWAO 13

ngu uli wao ŵati iyiyiŵa.'' -Maliko 10:14

"Mjise kukwangu, ŵanganyamwe wosope ŵamkupela ni ŵakusitopelwa, nipo une tinampumusye." —Matayo 11:28

"Pajakwanile ndaŵi ja chakulya, watumile jwakutumichila jwakwe kukwasalila wosope wawawilasile kuti, 'Mjise, chakulya tumasile kulinganya." —Luka 14:17

Menema uwe tuli ŵakutumwa mmalo mwa Klisto, Mlungu akumdandawulila kulungulila mwetuwe, nowe tukumchondelela ŵanganyamwe kwa liŵamba lya Klisto kuti mjilanichikwe ni Mlungu. -2 Akolinto 5:20

Nipo Msimu ni Mwali jwa ulombela akuti, "Jisani!" Jwalijose jwakupilikana maloŵega, aŵechete soni kuti, "Jisani!" Jwalijose jwajikumkola njota, ayiche, jwakugasaka, amwe mwalulele mesi ga umiga. —Chiunukuko 22:17

Nambo lyuŵa lyakumalisya chindimba chila lyaliji lyalikulungwa. Pa lyele lyuŵali Yesu ŵajimi achiŵechetaga mwakunyanyika maloŵe kuti, ''Naga apali mundu jwajimkwete njota, ayiche kwa une kuti amwe.'' –Yohane 7:37

Paŵalolite Yesu yeleyi ŵadandawile, ni ŵasalile kuti, "Mwalecheni ŵanache ayiche kwa une, kasimwalekasya, pakuti Uchimwene wa Mlu-

14 NGAWA WANAWOSE ALI WANACHE WA MLUNGU

Kulekangana kwakwe pasikati pa ŵanache ŵa Mlungu ni ŵanache ŵa Satana kukusawonechela mlitala lyakuti, jwalijose jwangakutenda ya chilungamo, kapena kuti jwangakumonyela mjakwe, nganaŵa kose mwanache jwa Mlungu.

-1 Yohane 3:10

Pakuŵa ŵaliwose ŵakulongolelwa ni Msimu wa Mlungu, ŵelewo ali ŵanache ŵa Mlungu.

-Aloma 8:14

Kuti mbeje ŵangali magambo ni ŵangali ulemwa, ŵanache ŵa Mlungu pasikati pa uŵelesi ŵakunyenga ni ŵakugongomala, pasikati pa ŵele ŵanduŵa ŵanganyamwe mboneche mpela lilanguka lya ndondwa syakulanguchisya chilambo chapasi. —Afilipi 2:15

Ne ligongo lyakwe Ambuje akuti, "Kopokani pasikati pao, ni mbeje ŵapajika. Kasimkwaya cha usakwa, nipo none tinjimpochela, ni timbeje kukwenumwe atati, nipo ŵanganyamwe timbe kwangune ŵanache ŵangu ŵachalume ni ŵachakongwe, akuti Ambuje ŵamachiligose."

-2 Akolinto 6:17, 18

Nambo ŵandu wosope ŵaŵampochele ni kumkulupilila, jwelejo ŵapele machili gakuŵa ŵanache ŵa Mlungu. –Yohane 1:12

YAKUTI MLUNGU PA CHAKUMWA CHAUKALI

Tukajende mu ukoto mpela mwakwendela ŵandu musi, pakapagwaga yakutunduka, kapena kukolelwa, ngaŵa mchilyelye ni mchisembwele, ngaŵa mu umani ni wiu. Nambo mwawale Ambuje ŵetu Yesu Klisto, mkapeleka lipesa kuti chiilu chitende yakupila yakwe.

-Aloma 13:13, 14

Yitendo yandamo syakunonyela yangalumbana yikusawonechela pelanga, niyo ayi: chilyelye, kutenda yausakwa, chisembwele, kulambila mitembe, usaŵi, kuŵengana ni kumenyana, wiu, kutumbila, kulinonyela, utindani, ni kupanduchilana, machisu, masegwe ga paukana, kumwelesya ni soni yine yati mpela yeleyi. Ngumgombelesya sambano, mpela munatendele kala mula, kuti ŵanganyawo ŵakusatenda yati mpela yeleyi, ngasapochela kose uchimwene wa Mlungu.

-Agalatia 5:19-21

Pakuŵa tachiŵa jwamkulungwa pameso pa Ambuje, ngasamwa kose mfinyo kapena chinepe chakukolelwesya. Kutandilila pakupagwa pakwe tachiŵa jwakulongolelwa ni Msimu ŵaswela atamose pakutyochela mchitumbo cha achikulugwe. -Luka 1:15

15

CHISYOWELOPE NGACHIKWANILA

Yesu ŵamsalile kuti, "'Mwanonyele Ambuje Mlungu wenu ni mtima wenu wose, ni lunda lwenu lose.' Lyeleli ni lilamusi lyalikulungwa soni lyandanda.''

-Matayo 22:37, 38

Yesu paŵaliji mkutyoka kuti ajawuleje, mundu jwine ŵawutuchile ni kwatindiŵalila pa malungo gao achitiji, "Mwalimu jwambone, ana ndende chichi kuti ngapochele umi wangamala?" Yesu wamsalile kuti. "Ligongo chichi mkundenda iwambone? Jwambone jikape nijo Mlungu. Malamusi mkugamanyilila gakuti, kasimbulaga; kasimtenda chikululu, kasimjiŵa, kasimtenda umboni wa unami, mkasimumlambuchisya mjenu, mwachimbichisye baba ŵenu ni mama ŵenu." Mundu jula ŵajanjile kuti "Mwalimu, malamusi gelega ngugasunga kutandilila uchanda wangu." Yesu ŵamlolechesye ni ŵamnonyele, nipo ŵamsalile kuti, "Chindu chimo chikumsoŵa, mjawule mkasumisye yosope yamkwete, ndalama syakwesyo mkape ŵandu ŵakulaga, nipo timchikola chipanje kwinani ni mjise kunguya une." Mundujo paŵapikene yeleyi, ngope jakwe jaliji jakudandaula mnope, ni ŵagambile kutyoka ali jwakusinjinika pakuti ŵaliji jwakusichila mnope.

-Maliko 10:17-22

KASIMLAMBUSWA

Mkanyenjekwa, Mlungu ngakutendekwa chipongwe, pakuti chakupanda mundu chili chose, tachigowola chichocho pecho. – Agalatia 6:7

Ana ngamkumanyilila kuti ŵandu ŵangalumbana ngasajinjila mu uchimwene wa Mlungu? Mkasimnyenjekwa, pakuŵa atamose ŵa chilyelye, ŵakujilambila mitembe, ŵa chikululu, ŵakulisakasya ni achalume achimjawo, ŵawiyi, ŵaumbombo, ŵakukolelwa, ŵakusinjilila ŵane, kapena ŵachikwaku, ngasajinjila kose mu uchimwene wa Mlungu. -1 Akolinto 6:9, 10

Mundu jwine jwalijose akasamnyenga ni maloŵe gangali mate, pakuti yindu yati iyiyi yikusayichisya lutumbilo lwa Mlungu kwa ŵandu ŵakupwanya. – Aefeso 5:6

Mbeje ŵakutenda yigakuti maloŵe, ngaŵa ŵakwamba kupikanape, mchililambusyaga mwachimsyene. -Yakobo 1:22

Pakuŵa naga mundu akuliganisya kuti ali mwakandu posepo ali jwamtega, akusagamba kulinyenga. -Agalatia 6:3

"Pakuti tachiyika ŵandu ŵajinji mlina lyangu tachitiji, 'Une ndili Mkulupusyo juŵalochesye jula,' nipo tachasochelesya ŵandu ŵajinji." —Matayo 24:5

17

SAMBI SIKUTUGIGALILA CHIWA

Ulemwa wayiche mchilambo chapasi ligongo Iya mundu jumo, nipo ulemwawo wayichisye chiwa. Ni iyoyo chiwa chajenele kwa ŵandu wosope, pakuŵa kuti wosope ŵalemwisye. —Aloma 5:12

Nipo msesewo ukusaŵeleka ulemwa, nipo ulemwa pati utamilichiche ukuŵeleka chiwa.

-Yakobo 1:15

"Nambotu tukwenela kusangalala ni kukondwa, mpwenuju ŵaliji jwambwe, nipo akwete umi, ŵasokonechele, nipo awoneche.""

-Luka 15:32

Pakuŵa maganisyo ga chiilu nicho chiwa, nambo maganisyo ga msi-

mu, uli umi ni chitendeŵele. Menema maganisyo ga chiilu gakusaŵengana ni Mlungu, ligongo ŵandu ŵati iyoyo ŵangapikanila kose ulamusi wa Mlungu, pakuti ngapakombola kose kuti apikanile.

-Aloma 8:6, 7

Pakuŵa malipilo ga ulemwa nicho chiwa.... –Aloma 6:23

"Nambo ŵandu ŵawoga ni ŵangakulupichika, ŵakunonyela yakusakala, ŵakulaga achimjao, ŵalilama, asaŵi, ŵakulambila mitembe, ni ŵandu wosope ŵaunami kumalo gao niko ku nyasa ja moto wekolele ni maganga ga sulufule. Chelechi nicho chiwa chakaŵili." -Chiunukuko 21:8

KLISTO WACHIKOMBWELE CHIWA

Nambo Msimu Ŵaswela ŵasimichisye mwamachili kuti nijo Mwanache jwa Mlungu pakumjimusya ku ŵawe. — Aloma 1:4

Paŵaŵechete yeleyi, ni ŵagumisile achitiji, ''Lasalo, kopokani!'' Nipo mundu juŵawilejo ŵakopweche, ali jwamtawikwe mmakongolo ni mmakono ni sanda. Ni pangope jakwe paliji papaŵilije ni nguo...'' –Yohane 11:43, 44

"Atati akusanonyela une ligongo ngwasila umi wangu kuti ngaujigale soni. Pangali mundu jwakusumula umi wangu, nambo nguujasa namsyene. Ngwete machili gakuujasila umi wangu, nipo ngwete machili gakuujigalila soni. Lilamusili nalipochele kwa Atati ŵangu.'' -Yohane 10:17, 18

Nipo paŵaŵandichile ni ŵakwayiye chindanda, ŵandu ŵaŵanyakwile malilo ŵala ŵajimi, nipo Yesu ŵatite, ''Jwamchandamwe ngumsalila kuti, jimukani.'' Papopo jwambwe jula ŵajimwiche ni kutama nipo ŵatandite kuŵecheta....

-Luka 7:14, 15

19

"Jwamjumi; none naliji jwambwe, ni mlole ngwete umi mpaka kundala syosope. Ngamulile mbugulilo sya Chiwa ni Chilambo cha ŵandu ŵawe." —Chiunukuko 1:18

Mmagongo jwakumalichisya jwele Mlungu jutachimmasya machili, nicho chiwa. —1 Akolinto 15:26

MALAMULO GAMLUNGU

"Ana lilamusi lyapi lyalikulungwa pa malamusi gosope ga Mlungu?" Yesu ŵamsalile kuti, "'Mwanonyele Ambuje Mlungu wenu ni mtima wenu wose, ni lunda lwenu lose.' Lveleli ni lilamusi lvalikulungwa soni lyandanda. Lyakaŵili lyakulandana nalyo ni ali, 'Mumnonyeleje mjenu mpela mwamkulinonyelela mwasyene.' Malamusi gosope ga Musa soni yosope yiŵajiganyisye ŵakulochesya, yikusasimanikwa pa malamusi gaŵiliga." -Matayo 22:36-40

Yesu ŵajanjile kuti, ''Lilamusi lyalipundile mnope ni ali,... 'Ambuje Mlungu ŵetu, ŵelewo jikape ali Ambuje, nipo mwanonyeleje Ambuje Mlungu ŵenu ni mtima wenu wosope, ni umi wenu wosope, ni lunda lwenu losope, ni machili genu gosope.' Lilamusi lyakaŵili nilyo ali: 'Mumnonyeleje mjenu mpela yamkuti pakulinonyela mwasyene.' Pangali lilamulo line lyakupunda gelega.'' —Maliko 12:29-31

Lilamulo lya sambano menema ngumpa, lyakuti mnonyelaneje. Mpela une yindite pakumnonyela, nomwe ŵakwe mnonyelaneje.

-Yohane 13:34

"Mpela mwele mwakunonyelela une Atati, none soni ngumnonyela ŵanganyamwe mtameje mchinonyelo changuchi." – Yohane 15:9

NGAIKOMBOLEKA KULISISA PAMESO PA MLUNGU

Pangali kandu kakasisikwe kele kangawonechela pameso pa Mlungu, nambo yosope yili pelanga ni yakuwuka pameso pa Jwalakwe jwele jwatukuŵajilwa kumsalila yosope. -Ahebeli 4:13

"Pakuti ngapagwa chakusisika chitichiŵe changamanyika, atamuno chamtemela chatichiŵe changamanyika ni kuwonechela pelanga." —Luka 8:17

"Ŵatesile yeleyi kuti ŵanduwo amsoseje Mlungu ni chilolelo chakumpapasya ni kumsimana. Nambotu Mlungu nganaŵa kose pakutalika ni jwalijose jwetuwe, mpelaga mundu jwine ŵatite, 'Mwa Jwalakwe tukusimanikwa ŵajumi ni kwendajenda ni kutamilichika.' Ni mpela soni ŵane ŵakwimba nyimbo ŵenu ŵatite, 'Nowe ŵakwe soni tuli ŵanache ŵakwe.''' – Masengo 17:27, 28

Ni soni ''Ambuje akumanyilila maganisyo ga ŵandu ŵa lunda kuti gali gamtega.'' –1 Akolinto 3:20

Menema mkasimpeleka chilamusi mkanikayiche katema kakwe, mkanayiche Ambuje, ŵele ŵatachiyikopochesya pelanguka yakusisika yosope ya chipi, nipo tachijuwula maganisyo ga mmitima mwa ŵandu. Pelepo mundu jwalijose tachipochela chitogolelo kutyochela kwa Mlungu.

-1 Ăkolinto 4:5

21

22 CHILANGO CHAMUYAYA CHAWANDU WANGAMKULUPILILA MLUNGU

"Mwanagwawo mundu tachigatuma malayika gakwe, nipo tachityosya mu Uchimwene wakwe ŵandu wosope ŵakwalemwasya achimjawo, nipo soni ŵandu wosope ŵakutenda yangalumbana, nipo tachaponya mundukutila ja moto...."-Matayo 13:41, 42

Ŵele ŵanduŵa tachipochela kuundwa, niko konasika kwa ndala syosope, kutalikangana ni ngope ja Ambuje ni lumbili lwa machili gakwe. -2 Atesalonika 1:9

Nambo ya kwinani ni yapasi pano yele yayili sambano yikusunjikwa ni chilamulo chichocho cha Mlungu, kuti tichichijonanjikwa ni moto. Yikwamba kusunjikwa kwichila lyuŵa lyele litachilamula ni kwajonanga ŵandu wosope ŵangakusamala ya Jwalakwe. -2 Petulo 3:7

"Naga mkono wenu pane lusajo lwenu lukumlemwekasya, mlukate ni kulujasa. Kuli kwambone mmwejo mkajinjile ku umi mli ŵalemale kapena ŵapunduche, kupundana kuti mkaponyekwe kumoto wangamala mlimkwete makono pane sajo syosope siŵili." –Matayo 18:8

"Papopo ŵanganyawo tachityoka kwawula ku yipotesi yangali pambesi: nambo ŵakulungama ŵala tachijawula ku umi wangamala." -Matavo 25:46

CHILAMULO CHIKWISA

"Pakuŵa aŵichile chilepe lyuŵa litachilamula chilambo chosope chapasi mchilungamo kwa mundu jwamsagwile jula. Apeleche chisimichisyo kwa jwalijose pakumjimusya mundujo ku ŵawe." -Masengo 17:31

Nipo Ambuje akumanyilila kwakulupusya ŵandu ŵakusamala ya Mlungu mkulingwa kwao, ni kwasunga ŵangalumbana pa kuwundwa pa Lyuŵa lya Kulamula.

-2 Petulo 2:9

Pakuŵa wosopewe tukwenela kuwonechela ku chitengu chakulamula cha Klisto, kuti jwalijose apochele yambone kapena yangalumbana, ma linga ni yiŵatesile mchiilu.

-2 Akolinto 5:10

Mundu jwalijose akusawaga kamope, nipo panyuma pakwe akusalamulwa. – Ahebeli 9:27

Naweni soni ŵandu... ŵawe, achakulungwa ni ŵanache ŵakwe, ŵajimi pawujo pa chitengu cha uchimwene chila, nipo mabuku gawunukulidwe. Ni ŵawunukwile buku jine soni, jele jaliji buku ja umi. Nipo ŵandu ŵawe ŵala ŵalamuligwe pakugalolechesya masengo gao mpela mugalembechele mbukujo. — Chiunukuko 20:12

Iyoyo menema jwalijose jwetuwe tachiliŵalanjila jika msyene magambo gakwe kwa Mlungu.

-Aloma 14:12

23

24 CHISYOWELO CHA YESU KLISTO

kwe jwakulaga ligongo lya ŵanganyamwe, kuti ni kulaga kwakweko ŵanganyamwe mbeje ŵakusichila. -2 Akolinto 8:9

...''Mlungu akusiŵakana ŵakulikwesya, nambo akupeleka chisyoŵelo chakwe kwa ŵakulitulusya.'' -1 Petulo 5:5

...Nambo piwatupile ulemwa, chisyoŵelo cha Mlungu chatupile mnope. Yaliji kuti, mpela ulemwa waliji mkulamulila ŵandu ni soni kwinjisya chiwa pa ŵanganyawo, iyoyo nombe chisyoŵelo cha Mlungu chalamulile pakwalungamisya ŵandu kwamnope, ni kwayichisya ku umi wangamala mwa Yesu Klisto Ambuje ŵetu. –Aloma 5:20, 21

Nambo ngaŵa kuti mtuka walulele wa Mlungu ni kulemwa kwa Adamu kuti yili yakulandana ngwamba. Pakuŵa ŵandu ŵajinji ŵawile kwa ligongo lyakulemwa kwa mundu jumopejo, nambo chisyoŵelo cha Mlungu ni soni mtuka wakwe wachisyoŵelo wa mundu jumojo Yesu Klisto kwa ŵandu ŵapawinji. -Aloma 5:15

Menema chachikulungwa ngaŵaga yeleyi yakuyisaka mundu, kapena yele mundu yakusalingaga kutenda, nambo chachikulungwa nicho chanasa cha Mlungu. – Aloma 9:16

Pakuti mkumanyilila chisyoŵelo cha Ambuje Yesu Klisto, chati atamose ŵaliji jwakusichila, ŵatende-

KULAPA

"Mlungu ŵakululuchile ŵandu pandaŵi syele siŵaliji ŵangamanyilila, ni sambano akwalamulila wosope kukulikoseko kuti apitikuche mitima jao." –Masengo 17:30

"Nambo ngumsalila kuti naga ngamkupitikuka mtima, nomwe ŵakwe tachimjonanga mpela ŵelewo."

-Luka 13:3

Ŵatiji, "Mpitikuche mtima wenu, Pakuti Mlungu ali chiŵandika kuwutamilisya Uchimwene wakwe sambano." – Matayo 3:2

Petulo ni ŵasalile kuti, "Mpitikuche mtima, nipo jwali jose abatiswe mlina lya Yesu Klisto kuti mkululuchikwe ulemwa wenu nipo timchipochela mtuka wa Msimu Ŵaswela Mpitikuche mitima menema ni kuwujila kwa Mlungu kuti amtyochesye ulemwa wenu.''

-Masengo 2:38; 3:19

Pakuti chidandawulo chakwitichiswa ni Mlungu, chikusampitikusya mundu mtima mpaka ku ukulupusyo, nipo mundujo ngakuŵa soni jwakuligamba, nambo kudandawula kwa chilambo chapasi chikusayichisya chiwa. -2 Akolinto 7:10

Nipo Yesu ŵasalile kuti, ''Sawasawa kwinani tikuchiŵa chisangalalo ligongo lya mundu jumo jwa ulemwa jwapitikwiche mtima wakwe, kupunda ŵandu 99 awo ŵali ŵangali ligongo lyakupitikuchila.'' —Luka 15:7

KULECHELESWA KWA SAMBI

ngu ŵamkwesisye ni mkono wakwe wamlyo kuŵa jwakulongolela soni Mkulupusyo, kuti melepe ŵape Ayisulayeli nganisyo syakupitikuka mtima ni kululuchikwa ulemwa." —Masengo 13:38; 5:31

"Nipo mlina lyakwe maloŵe gakwambaga kupitikuka mtima ni kukululuchikwa kwa ulemwa galalichikwe kwa ŵandu ŵa ngosyo syosope kutandilila ku Yelusalemu." —Luka 24:47

... Menema Yesu ŵamsalile kuti, "None jwakwe ngangumgomeka ngwamba. Jendagani, nambo kutandilila sambano mkalemwa soni." -Yohane 8:11

"Pakuti naga mkwakululuchila ŵandu yakusoya yao, Atati ŵenu ŵa kwinani tachimkululuchila soni mmwejo." –Matayo 6:14

Nipo Yesu paŵachiweni chikulupi chawo chila, ŵamsalile mundu jwakulwala jula kuti, ''Mwanangu, ulemwa wenu ukululuchikwe.'' —Maliko 2:5

"Mlole, ngwima pa mlango ni ngupoposya. Jwine naga akulipilikana liloŵe lyangu, ni kuugula, tinjinjile kwa jwelejo ni kulya najo jwelejo noneji." - Chiunukuko 3:20

"... Kutyochela kwa Yesu, Ngani Syambone syakukululuchila ulemwa silalichikwe kukwenu. Jwelejo Mlu-

KULITYOSYA KU YAMCHILAMBO

Pakuŵa Mlungu atulanjisye chisyoŵelo chakwe chakusaka kukulupusya ŵandu wosope, chakutujiganya uwe kuti, tuyikane yanganonyelesya Mlungu, ni soni yilakolako ya chilambo chapasi, tutameje kwakuligosa ni kwakulungama pa chilambo chapasi chino. –Tito 2:11, 12

Wikani mtima wenu pa yindu ya
kwinani ngaŵaga ya mchilambo
muno.-Akolose 3:2

Mkajinjilila masengo gangasogola kose ga chipi, nambo mgajamucheje. — Aefeso 5:11

Mkasimchinonyela chilambo chapasi, atamose yindu yangalumbana yayili mchilambo chapasi. Naga

27

mundu akuunonyela ungalumbana wa chilambo chapasi, mwa jwelejo mwangali chinonyelo cha Atati. Pakuŵa yosope ya pasi pano, yakupila ya mchillu, yindu yayikumbika ni meso ni kuyisachilila, ni yana yose ya mchilambo chino yele ŵandu yakupoka nayo, yosopeyi ngayikutyochela kwa Atati, nambo ku chilambo kuno. -1 Yohane 2:15, 16

Ŵanganyamwe ŵandu ŵangakulupichikamwe! Ana ngamkumanyilila kuti kutenda uganja ni yapasi pano niko kuŵengana ni Mlungu? Iyoyo mundu jwakusaka kutenda uganja ni yapasi pano, jwelejo akulitenda mmagongo jwa Mlungu. –Yakobo 4:4

KUPAGWA KWA SAMBANO

Naga mkumanyilila kuti Klisto ali jwakulungama, mmanyilile soni kuti jwalijose jwakutenda yakulungama, ali mwanache jwa Mlungu. Tukumanyilila kuti jwalijose jwele jwali mwanache jwa Mlungu ngakusalemwa-lemwa, akusasunjigwaga ni Yesu Mwanagwao Mlungu, ni ligongo lyakwe Jwakusakala jula ngakumkwaya kose.

-1 Yohane 2:29; 5:18

Lyele ligongoli naga mundu ali mwa Klisto, ali jwampanganyikwe mwasambano. Yakala yipite, nipo yele yayipali yili yasambano.

-2 Akolinto 5:17

Yesu ŵatite, "Kusyenesyene ngumsalila kuti naga mundu ngakupagwa soni, ngakupakombola kuwuwona uchimwene wa Mlungu.'' -Yohane 3:3

...Nambo mwakulumuligwe, nipo mwaswejeswe, nipo mwalungamichikwe mlina lya Ambuje Yesu Klisto, nipo soni mwa Msimu wa Mlungu wetu. -1 Akolinto 6:11

Pakuŵa kulungulila mwa maloŵe ga Mlungu gagakukosya umi ni kutamilichika mwa ŵanganyamwe mwaŵelekwe soni mti ŵanache ŵa nangolo jwele jwali jwakulama chilamile, ngaŵa jwakonasika.

-1 Petulo 1:23

...Nambo une yiche kuti ngondolo sikole umi, umi wakwe wapawinji. –Yohane 10:10

KUWA MUSAMBI-KUSYUKA MWA KLISTO 29

nu pa yindu ya kwinani ngaŵaga ya mchilambo muno. Pakuti mwawile, nipo umi wenu uli wakusisika pampepe ni Klisto mwa Mlungu. —Akolose 3:1-3

Wele ŵali ŵakwe ŵa Klisto Yesu, ŵakomelwe pa msalaba pamo ni ndamo jao jakunonyela yangalumbana, pampepe ni yakupila yakwe ni misese jakwe. Pakutipo Msimu atupele uwe umi; akuŵajilwa soni kulamulila umi wetu.

-Agalatia 5:24, 25

Iyoyopeyo nomwe mlitendeje mti ŵawe, yakwambaga ulemwa, nambo mti ŵajumi kwa Mlungu mwa Klisto Yesu. — Aloma 6:11

Nipo Jwelejo ŵamkosisye ŵanganyamwe umi pamwaliji ŵawe ligongo lya kusoya ni ulemwa wenu. Ni ŵatujimwisye ku ŵawe pampepe najo, nipo ŵatupele liwuto pampepe najo mu ya kwinani, mwa Klisto Yesu. —Aefeso 2:1 ni 6

Klisto msyene ŵatwichile yakulemwa yetu mchiilu chakwe pa msalaba kuti tuleche kuŵa mu ulemwa, nambo tukuyichisyeje chilungamo mu umi wetu. Mwa maŵanga gakwe mposile. -1 Petulo 2:24

Menema naga mwajimwiswe pampepe ni Klisto, iyoyo msoseje yindu yayili kwinani kwele kwali Klisto achitamaga ku mkono wamlyo wa Mlungu. Wikani mtima we-

UMI WANGAMALA

Naga mundu akupanda yilakolako ya chiilu chakwe chitachigowola, nicho chiwa. Nambo mundu jwakundile kuti Msimu Ŵaswela umlongolele chitachigoola, niwo umi wangamala. — Agalatia 6:8

"Nipo umi ŵangamalawo ni wakuti ŵamanyilile ŵalakwe ni soni Yesu Klisto jumwamtumile."

-Yohane 17:3

"Mundu jwakukulupilila Mwanachejo, akwete umi wangamala. Nambo jwangakulupilila Mwanachejo, ngasauwona kose umi, nambo lutumbilo lwa Mlungu tuluŵe pa jwelejo." —Yohane 3:36

... Mtuka wa lulele wele Mlungu wakusapeleka, niwo umi wangama-

la mwa Klisto Yesu Ambuje ŵetu. -Aloma 6:23

"Kusyenesyene ngumsalila, mundu jwakupilikana maloŵe gangu ni kwakulupilila ŵaŵandumilewo, akwete umi wangamala nipo ngasalamulwa, nambo amasile kopoka mchiwa ni kwinjila mu umi."

-Yohane 5:24

... Ni lisosa lyao ni chisyoŵelo.... Nambo sambano Mlungu atujuwulile yeleyi mwakuyika kwa Mkulupusyo jwetu, Klisto Yesu, ŵele ŵagamasisye machili ga chiwa, nipo mu Ngani Syambone ŵalanjisye pelanga umi wele wangaŵa kose mkuwa. -2 Timoteo 1:9, 10

CHISIMICHISYO CHA UKULUPUSYO 31

Msimu usyenewo ukusatendela umboni ni msimu wetu kuti tuli ŵanache ŵa Mlungu. —Aloma 8:16

Sambano umboni ni wakuti Mlungu ŵatupele umi wangamala, nipo umi welewu ukutyochela kwa Mwanagwao. Jwalijose jwali ni Mwanacheio, akwete umi. Jwalijose jwele jwanganaŵa kose ni Mwanagwao Mlungu, ali jwangali umi kose. Ŵanganyamwe ŵamkukulupilila Mwanagwao Mlungu namlembele yeleyi mmanyilile kuti soni mkwete umi wangamala. -1 Yohane 5:11-13

"Mundu jwele jwakugapochela malamulo gangu, ni kugasunga, jwelejo ni jwakusanonyelaga. Nipo Atati ŵangu tachimnonyela jwelejo jwele jwakunonyela une. None jwakwe tinjimnonyela mundujo, nipo tinjililanjisya kwa jwelejo."

-Yohane 14:21

Pakusaka kusimichisya kuti ŵanganyamwe mli ŵanache ŵakwe, Mlungu ŵatumisye Msimu wa Mwanagwao kwinjila mmitima jetu, uchigumilaga kuti, "Abba! niko kuti, Atati!" – Agalatia 4:6

Tukumanyilila kuti tukusatama chitamile mwa ŵelewo, ni ŵelewo mwetuwe, ligongo ŵatupele Msimu wakwe. -1 Yohane 4:13

Naga tukugagosa malamulo ga Mlungu, papopo tutupakombole kumanyilila kuti tumasile kwamanya. -1 Yohane 2:3

KLISTO JWAKUTAMA MKATI AKUPELEKA LUKONDWA

"Nambo sambano ndili mkwisa kwa ŵalakwe, nguŵecheta yeleyi pandili mchilambo chapasi pano kuti mitima jao jigumbale ni lukondwa lwangu." —Yohane 17:13

"... Nambo tinjimbona soni. Pelepo mtima wenu tiuchisangalala, nipo ngapagwa mundu jutachimsumula lukondwalo." —Yohane 16:22

Pakuŵa uchimwene wa Mlungu, nganiuŵa chakulya ni chakumwa ngwamba, nambo chilungamo, mtendele ni chisangalalo, mwa Msimu \hat{W} aswela. —Aloma 14:17

"Une nakomelwe pa msalaba pampepe ni Klisto, kwakuti ngaŵa

soni une jwele jwandili ni umi, nambo Klisto jwele jwali ni umi mwa une. Umi wele wangwete sambano mchilambo achino, uli umi wakulupilila Mwanagwao Mlungu, jwele juŵanonyele une, juŵapeleche umi wakwe ligongo lya une."

–Agalatia 2:20

"Namsalile yeleyi kuti lukondwa lwangu tuluŵe mwa ŵanganyamwe, nipo lukondwa lwenu luŵe lwalumalilwe." —Yohane 15:11

Jwalakwejo nganimumboneje, nambo mkusimumnonyelape. Atamose kuti ngamkumbona sambano, mkusimukulupilila ni lukondwa lwangaŵalanjika. -1 Petulo 1:8

KUMPIKANILA AMBUJE

Ana ngamkumanyilila kuti naŵaga mkulipeleka kuŵa achikapolo ŵa mundu jwine ni kumpikanilaga, menema pelepo ŵanganyamwe mli achikapolo ŵa mundujo jwamkumpikanila. Atamose kuŵa ŵa ulemwa tiumlongolele mpaka ku chiwa, kapena pakupikanichisya timlongolelwe mpaka ku chilungamo. —Aloma 6:16

Menema sambano ŵanganyamwe mkusawuswa, tachitupumusya pampepe nowe ŵakwe. Tachiyitenda yeleyi patachiyika Ambuje Yesu kutyochela kwinani pampepe ni malaika gakwe ga machili. Tachiyika ni moto wekolechesye chile, nipo KULI KWAKUSOSEKWA 33 tachapa lusawusyo ŵele ŵakakummanyilila Mlungu ni ŵele ŵanganasipilikanichisya Ngani Syambone sya Ambuje ŵetu Yesu Klisto. Ŵele ŵanduŵa tachipochela kuundwa, niko konasika kwa ndala syosope, kutalikangana ni ngope ja Ambuje ni lumbili lwa machili gakwe. -2 Atesalonika 1:7-9

Pakuŵa ŵandu ngakuŵa kose ŵakulungama pameso pa Mlungu ligongo lyakwamba kugapilikana malamusipe ngwamba. Nambo awopewo ŵakugasunga malamusi ni ŵelepewo Mlungu tachalungamisya.

-Aloma 2:13

KUMJITICHISYA KLISTO KULI KWA KUSOSEKWA

Nipo lulimi luli lose lujitichisye kuti, "Yesu ali Ambuje," lumbili kwa Mlungu Atati. – Afilipi 2:11

"Jwalijose jwakunjitichisya une pameso pa ŵandu, none jwakwe tinjimjitichisya pameso pa Atati ŵangu ŵa kwinani. Nambo jwalijose jwakuŵecheta pameso pa ŵandu kuti ngakumanyilila une, none jwakwe soni tinjiŵecheta pameso pa Atati ŵangu ŵa kwinani kuti ngangummanyilila." --Matayo 10:32, 33

Ligongo naga mkwitichisya pakamwa penu kuti Yesu niwo Ambuje, soni naga mkukulupilila mumtima wenu kuti Mlungu ŵamjimwisye Yesu ku ŵawe, timchikulupuka. Pakuŵa mundu akuŵajilwa kukulupilila ni mtima wakwe, kuti Mlungu amlungamichisye, nipo akuŵajilwa kwitichisya chikulupi chakwecho pakamwa pakwe kuti akulupuche.

-Aloma 10:9, 10

"Naŵaga mundu tatende soni pakogopa kulalichila ya majiganyo gangu, nombe Mwanagwao mundu tachimtendela soni jwelejo pandaŵi jitachiyika mlumbili lwakwe ni mlumbili lwa Atati pampepe ni malayika ŵaswela." –Luka 9:26

SATANA – MMAGONGO JWAMKULUNGWA

Mtameje ŵakuligosa, mlindilileje. Mmagongo jwenu Satana akwendajenda mpela lisimba lyakutongola lichimsosaga jwakuti amlye. Mtamilichiche mchikulupi chenu....

-1 Petulo 5:8, 9

Panyuma pakwe Msimu wamlongolele Yesu kwawula mwipululu kuti akalinjikwe ni Satana. Nambo Yesu ŵatite, ''Tyokani, Satana! malemba gakuti, 'Mkalambileje Ambuje Mlungu ŵenu, nipo ŵawowopewo mwatumichileje.' '' Papopo Satana jula ŵalesile, ni mlole, ŵayi che malayika kukwatumichila Yesu. —Matayo 4:1 ni 10, 11

Pambesi nguti, mlimbichileje mwa Ambuje ni mkulimbika kwa machili gakwe. Mbwale yida yakumenyanila yosope Mlungu yakumpa, kuti mpakombole kulimbichila pakukana ukalamusi wa Satana.

-Aefeso 6:10, 11

35

Pakuti yida ya ngondo jetu nganiyiŵa ya chiilu, nambo yikwete machili gakutyochela kwa Mlungu gakugumulila maboma.

-2 Akolinto 10:4

...Jwelejo ŵaliji jwakuulaga ŵandu chitandilile pakutanda pene. Nganaŵa kose ni usyenesyene ligongo mwa jwelejo mwangali usyenesyene....Pakuti jwelejo ali jwa unami, soni ali atati jwa wosope ŵa unami. —Yohane 8:44 36

KUMKOMBOLA SATANA

Sambano pakuŵa ŵanachewo ali ŵandu, ŵakwete miasi ni mnou, Yesu jwene ŵatendekwe kuŵa mundu mpela ŵanganyamwe. Jwalakweju ŵatesile yeleyi kuti ni chiwa amjonanje Satana, jwele juŵakamulile machili ga chiwa.

-Ahebeli 2:14

Mundu jwakusalemwa, ali jwakwe jwa Satana, pakuŵa Satana ali jwakulemwa chitandilile pakutanda. Mwanagwao Mlungu ŵawonechele ni chakulinga chakuti ajonanje yitendo ya Satana. -1 Yohane 3:8

"Kweleko mmwejo mkaugule meso gao ni kwagalawusya kutyochela mchipi cha Satana ni kuja mwilanguka lya Mlungu, awo wawuli umanyilisi wakuleka ulemwa ni kukuya umbone wa lilanguka lya Mlungu ni soni pakungulupilila une, ulemwa wao tiuchikululuchikwa ni kupochela liwuto pasikati ja ŵandu ŵasagulwe ni Mlungu."

-Masengo 26:18

Sambano ana ŵani tatulekanganye ni chinonyelo cha Klisto? Ana kulaga, kapena ipotesi, kapena masawusyo, kapena chilala, kapena usawuchi, kapena upandu, kapena soni kuwulajikwa? Ngwamba, mu yindu yosopeyi tupundile kukombola ligongo lya ŵelewo ŵaŵatunonyele. —Aloma 8:35 ni 37

CHINONYELANO NDICHO CHIMANYILILO 37 CHA MUNDU JWAKWAKULUPILILA AMBUJE

Atamose ningaŵechete yiŵecheto ya chilendo kapena soni ya malayika, nambo naga nganingola unoyelo, ndili mpela chisyano chachikusona kapena chinganga chele chichikutenda masegwe.

-1 Akolinto 13:1

Nambo chisogosi cha Msimu nicho: unonyelo, lukondwa, mtendele, kupimilila, chanasa, umbone mtima, kulupichika, kulisinga nipo soni kuligosa.... – Agalatia 5:22, 23

"Naga mkunonyela, sungani malamulo gangu." -Yohane 14:15

Uwe tukumanyilila kuti twakopweche mchiwa ni kwinjila mu umi, pakuŵa tukasitwanonyela achimjetu. Naga jwine akuŵecheta kuti, ''Ngusinanonyela Mlungu,'' nambo achimchimaga mjakwe, ali jwa unami. Pakuŵa mundu jwele jwangakumnonyela mjakwe ajo jwakumbona, ngapakombola kose kumnonyela Mlungu ajo jwanganambone.

-1 Yohane 3:14; 4:20

"Naga mkunonyelana, ŵandu wosope tachimanyilila kuti mli ŵakulijiganya ŵangu." —Yohane 13:35

Pakuti kwanonyela Mlungu kukuli kugagosa malamulo gakwe, nipo malamulo gakwe nganigaŵa kose gakusitopa. -1 Yohane 5:3

KUSYUKA KUŴAWE KWA YESU KLISTO 38

Yesu paŵajimwiche ku ŵawe, kundaŵindaŵipe, lyuŵa lyakuvichisya Sabato, pakutanda kwene ŵawonechele kwa Malia jwa ku Magadala, juŵamkopwesye masoka gangalumbana msano ni gaŵili jula. -Maliko 16:9

"Uwe menema tuli mboni syakwe kwa yindu yosope yiŵayitesile mchilambo cha Yisulayeli ni ku Yelusalemu panyuma pakwe ŵambuleje pakumkomela pa msalaba. Panyuma pa moŵa gatatu, Mlungu ŵamiimwisye ku ŵawe ni ŵawonechele kwa ŵandu, nambo ngaŵaga kwa ŵandu wosope ngwamba, nambo kwa uwe ŵatuli mboni syakusagulikwa ni Mlungu, panyuma pakwimuka kwakwe ku ŵawe, twalile ni kumwa najo pampepe."

-Masengo 10:39-41

Gali gapite moŵa msano ni gatatu, ŵakulijiganya ŵala ŵaliji soni mnyumba mula, nipo Tomasi ŵaliji nao. Matanga gali gamaugale, nambo Yesu ŵayiche, achijimililaga pasikati pao ŵatite, "Kutulala kuŵe kukwenu!'' Paŵatite iyoyo, ŵamsalile Tomasi kuti, "Mjise mjinjisye chala chenu apano, ni mgalole magasa gangu, mjise nawo mkono wenu mpapasye mumbalati syangu. Mleche kukangachiya, nipo mkulupilile." Tomasi ŵatite, "Ambuje wangu! ni Mlungu wangu!'' -Yohane 20:26-28

KUSYUKA NIKO CHIJEMBECHELO CHETU CHISYESYENE

"Mkasimongwa nayo yeleyi, pakuŵa jikwisa ndaŵi pelepo ŵandu wosope ŵali mmalembe tachigapilikana maloŵe gakwe ni tachikopoka mmalembe mwao. Ŵandu ŵele ŵaŵatesile yangalumbana, tachijimuka kuti alamulwe."

-Yohane 5:28, 29

Ana ngamkumanyilila kuti wosopewe twawile, twabatisilwe mwa Klisto mchiwa chakwe? Uwe menema twawile ni kwimuka mwilembe pampepe najo mu ubatiso mpaka ku chiwa, melepe kuti mpela Klisto ŵajimwiswe ku ŵawe mwa lumbili lwa Atati, iyoyopeyo nowe wakwe tujendeje mu umi wasambano. Pakuŵa naga tulumbikenywe nao mchiwa chakwe, iyoyopeyo tutuchiŵa ŵalumbikanywe kwakulandana ni kwimuka ku ŵawe kwao nombe nako. — Aloma 6:3-5

Naga Klisto akulonjela mwenumwe, chillu chenu chili chachiwe ligongo lya ulemwa, nambotu msimu wenu uli umi ligongo lya chilungamo. Nambo naga Msimu wa ŵelewo uŵajimwisye Yesu ku ŵawe, uchitamaga mwenumwe, menema pelepo mwa Msimu wakwe uwowo, Mlungu tachipeleka umi myillu yenu yakuwa.

-Aloma 8:10, 11

39

40 USWELA MTIMA MWA AMBUJE

"... Pakuŵa ŵaiendele kukwawombola ŵandu ŵakwe,...tachitukulupusya mmakono mwa amagongo ŵetu. Kuti twatumichileje pangali woga, ni pakutama ni mtima wakulungamika paujo pao moŵa gosope ga umi wetu."

-Luka 1:68 ni 74, 75

Pakumalichisya, achimjetu, tukumchondelela ni kumchisva mwa Ambuje Yesu kuti, mpela yimwalijiganyisye ndamo syakuwajilwa ŵanganyamwe kwenda ni kwanonyelesya Mlungu, mpela mwele mwamkutendela, iyoyo mpundanganye. Pakuti mkugamanyilila malanjisyo gatwampele mwa Ambuje Yesu. Pakuti alili ni lisosa lya Mlungu, lyakuti mŵeje ŵaswela ni mligoseje kuchilvelye. Jwamlume jwali jose aŵeje jwakumanyilila kulijigalila ŵamkwakwe mkulenjela kwa mtima ni mluchimbichimbi. Pakuti Mlungu nganatuŵilanga kuti tutendeje ya usakwa nambo kuti tuŵe ŵaswela. -1 Atesalonika 4:1-4 ni 7

Nambo mpela ŵeleo ŵele ŵaŵambilasile ali ŵaswela, mtameje nomwe ŵaswela myitendo yenu vosope. Pakuŵa vilembeche kuti, "Mtameje ŵaswela pakuti une ndili jwamswela."

-1 Petulo 1:15, 16

USWELA MTIMA MWA AMBUJE

Ligongo lya yeleyi, Yesu nombe najo ŵawilile kusa kwa msinda, kuti pakutenda iyoyo ŵaswejesye ŵandu ni miasi jakwe.

-Ahebeli 13:12

Mpelaga ŵatusagulile uwe mwa Jwelejo mkanichipanganichikwe chilambo chapasi kuti tuŵe ŵaswela, ni ŵangali chilema pa meso pakwe, ligongo ŵatunonyele, nipo mbwale umundu wasambano, wele Mlungu ŵaupanganyisye. Pelepo timchitendekwa wakulungama ni mu uswela wa usyenesyene. -Aefeso 1:4; 4:24

Nambo naga tukwitichisya ulemwa wetu, Mlungu ŵali ŵakulu41

pichika ni ŵakulungama, tachitukululuchila ulemwa wetuwo. Tachituswejesya ni kututyochesya ungalumbana wetu wosope.

-1 Yohane 1:9

Pakuti yindu yosopeyi tiyichijonasika mwa litala lyeleli, ana ŵanganyamwe timchiŵa ŵandu ŵatuli? Umi wenu uŵeje wakulenjela ni kulipeleka chilipelechele kwa Mlungu. —2 Petulo 3:11

Mlinjeje kutama ni mtendele ni ŵandu wosope, nipo soni kutama ŵakulenjela mtima, pakuŵa pangali atamose jumo jose jwele tachawona Ambuje, naga ngakulenjela mtima. —Ahebeli 12:14

42 WANDU WAGUMBALA NI MSIMU WASWELA

"Niyiŵaga ŵanganyamwe ŵamli ŵangalumbana, mkumanyilila kwapa yindu yambone ŵanache ŵenu, nambi uli Atati ŵa kwinani, ngati tapunde kwapa ŵakwajuga Msimu Ŵaswela!" -Luka 11:13

Paŵamasile kupopela, mnyumba mwele muŵasongangenemo jatenganyiche, wosope ŵapochele machili ga Msimu Waswela ni ŵatandite kuŵecheta maloŵe ga Mlungu mwakulimba mtima.

-Masengo 4:31

Nambo ŵanganyamwe nganimba kose mchiilu, nambo mu msimu nagatu Msimu wa Mlungu akutama mwenumwe. Nambo jwalijose jwa nganakola Msimu wa Klisto, jwelejo nganaŵa kose jwakwe jwa Klisto. – Aloma 8:9

"Nambo pakatema katimchipochela machili ga Msimu Ŵaswela patigachimyichilila ŵanganyamwe, pele nipo timchindendela umboni...." –Masengo 1:8

Ŵakulijiganya ŵa ku Antiokeya ŵagumbele chisangalalo ni Msimu Ŵaswela. –Masengo 13:52

Nambo Sitefano achilongolelwaga ni Msimu Ŵaswela ŵalolite kwinani ni ŵaluweni lumbili lwa Mlungu, ni Yesu ali ajimi ku mkono wamlyo wa Mlungu, ni ŵatite.... --Masengo 7:55

ILANGA YAKUNONYELESYA KWA AKLISTO 43

Ŵanganyamwe ŵakunonyelwa, mkasimongwa ligongo lyakulingwa kwa masawusyo gele gamkusauswa nago. Mkaganisya kuti kapena yele yayikumbonechela vili vangavijembechela. Nambo msangalale pakuŵa mli mkupata masawusyo pampepe ni Klisto, kuti pakuwonechela kwa lumbili lwakwe, timsangalale mnope.

-1 Petulo 4:12, 13

"Jwalakwe tachasyula misosi jao mmeso mwao. Chiwa ngasichipagwa soni, atamuno kulila malilo, kapena kulila kapena kuyiwona yipotesi, yindu yandanda yili yipite." — Chiunukuko 21:4 Nipo ŵasalile kuti, ''Ligongo chichi mkuti, 'Naga akupakombola?' yindu yosope yili yakomboleka kwa jwakukulupilila.'' —Maliko 9:23

"Nambo ŵanganyamwe mtande kusosasosa kaje Uchimwene wa Mlungu, mchiyitendaga yakusaka yakwe, nipo tachimjonjechesya yine yosope." –Matayo 6:33

"Ni kwajiganya kuti asunje yosope yele yinamlamulile nipo mkumbuchileje kuti ndili nomwe moŵa gosope, mpaka kumbesi ja chilambo chapasi chino."

-Matayo 28:20

ILANGA KWA WAKULINGWA

Nipo Mlungu jwakupeleka mtendele, tachimswanya Satana chitemape pasi pa sajo syenu.

-Aloma 16:20

Kulinjikwa kwele kumsimene nako ŵanganyamwe, ngakukulekangana ni kulinjikwa kwele ŵandu wosope akusasimana nako. Mlungu ali jwakulupichika, nipo ngasakunda kose kuti mlinjikwe mwakupundanganya machili genu. Nambo pamkulinjigwa, Jwalakwe jwene tachimlinganichisya litala lyakulupuchila pakumpa machili kuti mpimilile. -1 Akolinto 10:13

Nipo tukumanyilila kuti kwa yindu yosope, Mlungu akukamusyana ni ŵandu ŵakumnonyela, pakwatendela yambone. Ŵanduwo niwo ŵele Mlungu ŵaŵaŵilasile, mpela Jwalakwe muŵalinganichisye chilepe. –Aloma 8:28

Pakuŵa nganitukola jwamkulungwa jwambopesi jwangapakombola kutendela chanasa yakulopotoka yetu. Nambo Jwamkulungwa Jwambopesi jwetu ŵalinjikwe myosope mpela mwele uwe tukusalinjikwa, nambo jwalakwe nganalemwa kose. –Ahebeli 4:15

Masawusyo getu gali gakupepuka, gandaŵi japanandipe, nambo gakutujigalila lumbili lwele luli lwalukulungwa mnope, ni lwandala syose. -2 Akolinto 4:17

ILANGA KWA WAKULIMBA MTIMA 45

"Jwalijose jutachipunda, tachipochela yeleyi, nipo une tinjiŵa Mlungu jwakwe najo jwelejo tachiŵa mwanangu."

-Chiunukuko 21:7

"Jwele jutachipunda achikamulisyaga yakutenda yangu mpaka kumbesi, kwa jwelejo tinjimpa ulamusi pachanya pa ŵangosyo." —Chiunukuko 2:26

"Jwele jutachipunda tinimtende mtwalo wa mNyumba ja Mlungu ŵangu, nipo jwelejo ngasakopoka soni. Pa jwelejo tinjilemba lina lya Mlungu ŵangu ni soni lina lya msinda wa Mlungu ŵangu, niwo Yelusalemu wasambano, waukuwumila kwinani kutyochela kwa Mlungu ŵangu. Pa jwalakwejo tinjilemba soni lina lyangu lya sambano.'' –Chiunukuko 3:12

"Wele ŵatachipunda tachiŵa pampepe none achiwalaga yeswela; nipo ngasinilisimasya kose lina lyakwe mbuku ja umi, nipo tinalijitichisye lina lyakwe pa meso pa Atati ŵangu ni pa achimalayika ŵakwe." — Chiunukuko 3:5

"Jwele jwakwete mapikanilo, apikane yele Msimu yakujisalila mipingo. Jutachipunda tinjimkunda kuti alye yisogosi ya chitela cha umi chachili mu mgunda wa Mlungu." — Chiunukuko 2:7

46 MLUNGU AWECHETE SYAKULEKANA ULOMBELA

Kwa ŵalombele menema ngwalamula, ngaŵaga une nambo Ambuje kuti jwamkongwe akasalekangana ni jwamlume jwakwe. Nambo naga akulekana atame jwangalombela soni, kapena ajilane soni ni msonogwe. Iyoyopeyo soni jwamlume akasalekana ni msonogwe. -1 Akolinto 7:10, 11

Pakuŵa jwamkongwe jwakwete msonogwe, ali jwamtaŵikwe ni malamulo ga ulombela pandaŵi josope jwamlume jwakwe pakuŵa jwachijumi. Naga jwamlumejo akuwa, menema jwamkongwejo akugopolwa ku malamusi ga ulombela gele gagamtaŵaga. Wele utendewo menema, naga akutama ni jwamlume jwine, kutendaga jwamlume jwakwe ali chiŵela umi, jwamkongwejo taŵilanjikwe jwachikululu. Nambo naga jwamlume jwakwe pati awile, jwelejo agopwelwe ku malamusi ga ulombela, kwakuti ngaŵa kose jwachikululu naga akulombana ni jwamlume jwine. —Aloma 7:2, 3

"Nambo une ngumsalichisya kuti, mundu jwakumleka msonogwe pangaŵaga ligongo lyangakulupichika, akumtendekasya chikululu naga soni akulombela. Nipo mundu jwele jutalombele jwamkongwejo, nombe najo akutenda chikululu." —Matayo 5:32

YESU KLISTO TACHIIKA SONI

Nipo patinjawule kukumlinganichisya malo, tinjiuja soni kukumjigala, kuti nomwe ŵakwe mkatame kwele kundili une. –Yohane 14:3

"Menema naga mundu akutenda soni ligongo lyangune, ni maloŵe gangu pa meso pa wele uŵelesi wa chikululuwu, kwa jwelejo nombe Mwanagwao mundu tachimtendela soni nombe najo, patachiyikaga mlumbili lwa Atati ŵakwe...." -Maliko 8:38

Ŵakunonyelwamwe, sambano tuli ŵanache ŵa Mlungu, nipo nganatulosya mwele mututuchiŵela. Nambo tukumanyilila kuti pakuwonechela kwakwe Klisto, tutuchiwa wakulandana najo, pakuŵa tutuchimbona mwaŵelele. Nipo mundu jwali jose jwele jwakwete chilolelochi pa Klisto, akusaliswejesya mpela Klistojo ali jwamswela.

-1 Yohane 3:2, 3

47

"Iyoyopeyo nomwe ŵakwe, mlindilileje, ligongo Mwanagwao mundu tachiyika pandaŵi jingamkwembecheya kuti angayiche." -Luka 12:40

"Pakuŵa Mwanagwawo mundu tachiyika ni malayika gakwe ni lumbili lwa Atati ŵakwe, nipo tachimlipa jwalijose kwamalinga ni yitendo yakwe." –Matayo 16:27

48 LILOŴE LYA MLUNGU

"Ya kwinani ni chilambo chapasi tivichimala, nambo maloŵe gangu ngasigamala machili kose."

-Luka 21:33

Pakuŵa maloŵe ga ŵamitenga ŵa Mlungu nganigaŵa gayiche kwa lisosa lya ŵandu ngwamba, nambo pakatema kele Msimu Ŵaswela pawaŵechetekasisye, papopo ŵandu ŵaŵechete maloŵe gakutyochela kwa Mlungu. -2 Petulo 1:21

Yosope vavili mmalemba vapelekwe ni Mlungu, yili ya chikamuchisyo pakwiganya usyenesyene, pakwamuka, pakolosya, nipo soni pakwalanjisya ŵandu ya chilungamo. -2 Timoteo 3:16

POPELANI NI **KULECHELESYA**

"Ni ligongo lyakwe pakupopela miileje, 'Atati ŵetu ŵa kwinani, lina lyao lijinichilwe; Uchimwene wao uiise: kusaka kwao kutendekwe, mchilambo mpela kwinani. Atupe lelo chakulya chetu cha lelo. Atukululuchile yakulemwa yetu, mpela uweji soni tukwakululuchila ŵakutulemwechesya. Nipo akasatujinjisya mkulingwa, nambo atukulupusye mu ungalumbana.' Pakuti naga mkwakululuchila ŵandu vakusova vao. Atati ŵenu ŵa kwinani tachimkululuchila soni mmwejo. Nambo naga ngamkwakululuchila ŵandu yakusoya vao, Atati ŵenu nombe nawo kasamkululuchila yakusoya yenu." -Matayo 6:9-15

LITALA LYA MLUNGU LYACHIKULUPUSYO

Ngusaka Mkulupusyo.

Pakuŵa wosope ŵalemwisye, ni ŵalepele kwisa ku lumbili lwele Mlungu ŵaliganichisye.

-Aloma 3:23

Mpela yilembeche kuti, "Nganakugwa mundu jwakulungama atamose jumo jose. — Aloma 3:10

Nambo yakulemwa yenu yim'lekangenye m'mwe ni Mlungu jwenu.... –Yesaya 59:2

Klisto wambwilile une.

Pakuŵa Klisto ŵawile ndande ja ulemwa kamope nipo kakwanile, jwakulungama kwa liŵamba lya ŵangalungama, kuti atujigalile uweji kwa Mlungu... -1 Petulo 3:18

Ngusaka kulapa sambi syangu. Mpitikuche mitima menema ni

kuwujila.... –Masengo 3:19

Nampochele Yesu mwachikulupililo.

Nambo ŵandu wosope ŵaŵampochele ni kumkulupilila, jwelejo ŵapele machili gakuŵa ŵanache ŵa Mlungu. –Yohane 1:12

Tisimichisye ya ukulupusyo wangu.

"Kusyenesyene ngumsalila, mundu jwakupilikana maloŵe gangu ni kwakulupilila ŵaŵandumilewo, akwete umi wangamala nipo ngasalamulwa, nambo amasile kopoka mchiwa ni kwinjila mu umi."

-Yohane 5:24

Published in numerous languages by World Missionary Press, Inc., as God supplies funds in answer to prayer. For questions or more information by country, visit: www.wmp-contacts.org



279 Yao HFA

World Missionary Press PO Box 120 New Paris, IN 46553-0120 USA www.wmpress.org

Read booklets online or by App www.wmp-readonline.org